

## PRYS, STAFFORD (1732 - 1784), gwerthwr llyfrau ac argraffydd yn Amwythig

**Enw:** Stafford Prys

**Dyddiad geni:** 1732

**Dyddiad marw:** 1784

**Priod:** Ann Prys (née Bright)

**Rhiant:** Mary Price (née Evans)

**Rhiant:** Stafford Price

**Rhyw:** Gwryw

**Galwedigaeth:** gwerthwr llyfrau ac argraffydd yn Amwythig

**Maes gweithgaredd:** Diwydiant a Busnes; Llenyddiaeth ac Ysgrifennu; Argraffu a Chyhoeddi

**Awdur:** William Llewelyn Davies

bedyddiwyd yn 1732, ail fab Stafford Price, M.D., a Mary (Evans) - y tad o deulu Pertheirin, plwyf Llanwnog, Sir Drefaldwyn, a'r fam o [deulu Stradlingiaid](#). S. Dunawd, Morgannwg. Prentisiwyd ef, 21 Tachwedd 1750, gyda [Thomas Durston](#). Cafodd Stafford Prys ryddfreniad y 'Combretthren of Saddlers,' Amwythig, 24 Mai 1758, y flwyddyn yr ymsefydlodd fel argraffydd a chanddo ei fusnes ei hun yn y dref honno, a dygodd ei fusnes ymlaen hyd ei farw yn 1784 pryd y dilynwyd ef gan ei weddw Ann Prys (1737 - 1826), merch Thomas Bright, Amwythig. Argraffwyd llawer o lyfrau Cymraeg a baledi yng ngwasg Stafford Prys, g r y gellir bod yn weddol bendant ei fod yn Gymro. Yn *Tair o Gerddi*, a argraffwyd ganddo ym mis Hydref 1758, ceir y geiriau hyn: ' Rhyb dd i'm Cydwladwyr y Cymru. Fy mod i Stafford Prys Gwerthwr Llyfrau yn agos i Farchnad y Garddwyr neu'r Green Market wedi codi Argraffwasg.' Am deitlau rhai o'i gynhyrchion gweler y ffynonellau a enwir isod.

### Awdur

Syr William Llewelyn Davies, (1887 - 1952)

### Ffynonellau

W. Rowlands, *Llyfryddiaeth y Cymry*

J. H. Davies, *A Bibliography of Welsh Ballads printed in the 18th century* (1908-11)

Ifano Jones, *A history of printing and printers in Wales to 1810, and of successive and related printers to 1923* (Cardiff 1925)

Llewelyn C. Lloyd, 'The Book-Trade in Shropshire,' yn *Transactions of the Shropshire Archaeological and Natural History Society*, 1935 a 1936

### Darllen Pellach

Erthygl Wicipedia: [Stafford Prys](#)

### Dolenni Ychwanegol

Wikidata: [Q18535874](#)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC-RUU/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n [tudalen codi arian](#) am ragor o wybodaeth.